

续资治通鉴

第二函
十四册

續資治通鑑卷第一百九十九

賜進士及第兵部尚書兼都察院右都御史總督兩湖等處地方軍務兼理糧餉世襲二等輕車都尉畢沅編集

元紀十七

起於蒙皇四年四月盡著雍
教曆十二月凡三年有奇

仁宗聖文欽孝皇帝

延祐二年夏四月戊寅朔日有食之 辛巳賜進士恩榮宴於翰林院 辛丑賜會試下第舉人七十以上從七

流官致仕六十以上府州教授餘並授山長學正後勿援例 敕諸王分地仍以流官爲達噶噶齊各位所辟爲

副達噶噶齊 命李孟等類集本朝條格俟成書聞奏頒行 乙巳帝如上都 宣徽院以供尙膳遣人獵于歸

德敕以其擾民罷之 自特們德爾舊作鐵木迭兒今改定括田之議遣人分行各省苛急煩擾江西爲甚是月贛州民蔡五

九聚衆作亂達近騷動考異元史本紀作七月蔡五九作亂今從經世大典作四月盡七月乃遣兵捕之耳 五月戊申朔改給各道廉訪司銀印 復立陝西諸道

行御史臺 乙丑秦州成紀縣山移是夜疾風電雹北山南移至夕河川次日再移平地突出土阜高者二三丈

陷沒民居敕遣官覈驗賑恤監察御史馬祖常言山不動之物今之動者由在野有當用不用之賢在官有當言

不言之佞故致然耳 甲戌加授宦者中尙卿續元暉昭文館大學士 六月戊戌河決鄭州 辛丑以濟寧益

都亢旱汰省衛士芻粟 贛州賊蔡五九圍寧都焚四關戕趙同知分掠郡邑 秋七月乙卯遣兵捕討蔡五九

甲子江南湖廣道奉使溫迪罕言廉訪使公田多取民租宜復舊制從之 癸酉命特們德爾總宣政院事

是月畿內大雨澇州昌平香河寶坻等縣水沒民田廬 八月丙戌官軍擊蔡五九寧都圍解五九益修攻具招

集失業之民勢益張遂陷汀州寧化縣僭稱王號遣江浙行省平章章律等率兵討之 己丑帝自上都 乙

未臺臣言蔡五九之變皆由臬智密鼎經理田糧與郡縣橫加酷暴逼抑至此新豐一縣撤民廬千九百區夷墓揚骨虛張頃畝流毒居民請罷經理及冒括田租時臺臣不敢斥言特們德爾建議之非但言有司奉行不善帝悟其弊命罷其役詔下民大悅由是五九之勢漸衰 壬寅增國子生百員歲貢伴讀四員 詔江浙行省印農桑輯要萬部頒降有司遵守勸課 旌表貴州達瞻噶齊相元孫妻死節 監察御史納琳言事忤旨帝怒叵測中丞楊多爾濟救之一日至八九奏曰臣非愛納琳誠不願陛下有殺御史之名帝曰爲卿宥之可左遷昌平令多爾濟曰以御史宰京邑無不可者但以言事而得左遷恐後之來者用是爲戒不肯復言矣帝不允後數日帝讀貞觀政要多爾濟侍側帝顧謂曰魏徵古之遺直也朕安得用之對曰直由太宗太宗不聽徵雖直將焉用之帝笑曰卿意在納琳耶當赦之以成爾直有上書論朝政闕失面觸宰相宰相怒將取旨殺之多爾濟曰詔書云言雖不當無罪今若此何以示信天下果誅之臣亦負其職矣帝悟釋之於是特加昭文館大學士榮祿大夫以旌其直時位一品者多乘間邀王爵贈先世或謂多爾濟可援例以請多爾濟曰家世寒微幸際遇至此已懼弗稱尙敢多求乎且我爲之何以風勵僥倖者乎 九月丁未章律以括田逼死九人敕吏部尙書王居仁等鞫之 壬戌蔡五九衆潰伏誅餘黨悉平賞軍士討捕功并官死事者子孫 參知政事趙世延居中書二十月遷御史中丞詔省臣自平章以下相率送之官其禮前所無有由是爲權臣所忌乃用皇太后旨出世延爲雲南行省右丞陸辭帝特命仍還臺爲中丞 冬十月庚辰以淮西廉訪使郭貫爲中書參知政事 乙未授白雲宗主沈明仁榮祿大夫司空 丁酉加授特們德爾太師 十一月丙午客星變爲彗犯紫微垣 軫至壁十五宿辛未以星變赦天下減免各路差稅有差丞相哈克繖等乞避位帝曰此朕之愆豈卿等所致其復乃職苟政有過差

毋憚於改又凡可以安百姓者當悉言之庶上下交修天變可弭也 遼東肅政廉訪使尉遲德誠上疏言事其

略曰勞諸王以懷其心防出入以嚴宮禁正諫官以清讒佞崇科目以求人才立常平以備荒年汰僧道以寬民

力舉賢良以勵忠孝抑奢侈以厚風俗及拯鈔法裁冗官等事不報德誠尋卒 甲戌封武宗子和實拉爲周王

出鎮雲南初武宗立帝爲太子命以次傳位於和實拉已而丞相三寶努復勸武宗立其子既乃以哈喇托克托

言而止至是議立太子特們德爾欲固位取寵乃請立皇子碩迪巴拉舊作順德八刺今改又與太后李臣實勒們舊作什烈譖門今改

和實拉於兩宮遂有是命又譖哈喇托克托爲武帝舊臣詔逮至京師居數日綽和爾實勒們傳兩宮旨諭托克

托曰初疑汝親于所事故召汝今察汝無他其復還鎮托克托入謝太后曰臣雖被先帝知遇而受太后及今上

恩不爲不深豈敢昧所自乎未幾遷江西行省左丞相 十二月庚寅增置平江路行用庫 癸巳命省臣定擬

封贈通例俾高下適宜以聞 旌表汀州寧化縣民賴祿孫孝行蔡五九之亂祿孫負其母挈其妻隨衆入山避

之盜至衆散走祿孫守母不去盜將刃其母祿孫以身翼蔽曰寧殺我勿傷吾母時母病渴覓水不得祿孫含唾

煦之盜相顧駭嘆不忍害反取水與之有掠其妻去者衆責之曰奈何辱孝子婦使歸之事聞賜旌表 朝廷以

更多滯事責曹案不如程者令下刑部尙書謝讓曰刑獄非錢穀銓選之比寬以歲月尙慮失實豈可律以常法

乎乃入白宰相由是刑曹獨得不責稽遲

延祐三年春正月乙巳賑漢陽路飢 丙午增置晉王府屬官 以眞定保定涪飢禁畋獵 改直沽爲海津鎮

二月丁丑調海口屯儲漢軍隸臨清運糧萬戶府以供轉漕 戊寅賑河間等處飢 庚寅誓減自去年十一

月丙午始見至是乃減凡百有五日 壬子敕衛輝昌平守臣修殷比干唐狄仁傑祠歲時致祭考吳元史系于四月壬午清研堂跋尾云

元敕封太師忠烈公股比于朝拜作
學春王子當以葬爲正也今從之

三月甲寅敕中書右丞肅拜殊及陝西四川省臣各一員護送周王和實拉之雲

南道周王常侍府官屬以遙授中書左丞相圖古勒大司徒鄂爾多中政使尙家努山北遼陽等路蒙古軍萬戶
博囉翰林侍講學士嘉琿等並常侍中衛親軍都指揮使唐古兵部尙書賽罕巴圖魯爲中尉仍置諮議記室各
二員遣就鎮 癸亥帝如上都 壬申鷹坊博囉等擾民於大同敕拘還所奉璽書 禁天下春時田獵初議犯

者抵死左司郎中韓若愚曰齊宣王之囿方四十里殺其麋鹿者如殺人之罪孟子非之衆以爲然遂減其刑

太史令郭守敬卒於位年八十六守敬歷數儀象之學並爲時用其尤濟時者爲水利之學決金口以下西山之

機而京師財用饒復三白渠以溉瀕河之地而靈夏軍儲足引汶泗以接江淮之派而燕吳漕運通達斗牖以開

白浮之源而公私陸費省其在西夏嘗挽舟溯流而上究所謂河源者又嘗自孟門以東循黃河故道縱廣數百

里間皆爲測量地平或可以分殺河勢或可以溉灌田土具有圖誌又嘗以海面較京師至汴梁地形高下之差

謂汴梁之水去海甚遠其流峻而京師之水去海至近其流甚緩其言皆有徵驗論者惜其未盡見用云 夏四

月癸酉朔以河南流民羣聚渡江所過擾害命行臺廉訪使以見賸贓鈔賑之 橫州獠蠻爲寇命湖廣省發兵

討捕 己亥以淮東廉訪司簽事苗好謙善課民農桑賜衣一襲 庚子命中書省與御史臺翰林集賢院集議

封贈通制著爲令 賑遼陽蓋州及南豐州飢 是月前集賢大學士商議中書省事陳天祥卒於家年八十諡

文忠 五月庚申以大都留守拜特穆爾爲中書平章政事擢中書左丞肅拜住爲平章政事左丞阿爾哈雅爲

右丞郭貫爲左丞參議布哈爲參知政事考異拜特穆爾之除拜宰相表系于六月今從本紀時特們德爾恃勢貪虐兇穢愈甚於是進拜珠爲
平章稍率制之 庚午置甘肅儒學提舉司遼陽金銀鐵冶提舉司 賑衡水等路飢 六月乙亥制封孟軻父

為鄰國公母為鄰國宜獻夫人 丙子融賓柳州獠蠻叛命湖廣行省遣官督兵捕之 丁丑敕凡鞫囚非強盜

毋加酷刑 丁酉河決汴梁沒民居發糧賑之 秋七月壬子命御史大夫巴圖托驪整治臺綱仍降詔宣諭中

外 丙寅復以雅克特穆爾薄作燕帖木兒今改知樞密院事 八月癸酉以兵部尚書奇達為中書參知政事考異表作九月今從紀

己卯帝自上都 戊戌置織佛像工匠提調所 九月辛丑以中書左丞郭貫為集賢大學士集賢大學士王

毅為左丞考異王毅為左丞宰相表作六月今從本紀 毅旋出為江浙行省左丞 庚戌陞縉山縣為龍慶州以帝生是縣故也 己未冀

寧晉寧路地震 丙寅太白經天 冬十月辛未以江南行省侍御史高昉為中書參知政事考異高昉擢參知政事宰相表作四年正月今從紀

壬申有事於太廟 壬午河南路地震 甲申敕五臺靈鷲寺置鐵冶提舉司 乙未禁民有父在者不得私

貸人錢及鬻墓木 是月周王和寶拉次延安圖古勒尙家努博囉及武宗舊臣哩日舊作釐錫布鼎哈巴勒圖等日今改

皆來會嘉琿謀曰天下者我武皇之天下也出鎮之事本非上意由左右構門致然請以其故白行省俾聞之朝

廷庶可杜塞離間不然事變叵測遂與數騎馳去先是哈斯罕為太師特們德爾奪其位出之為陝西行省左丞

相及嘉琿等至即與平章政事塔齊爾行臺御史大夫圖魯布舊作脫里伯今改中丞托歡悉發關中兵分道自潼關河中

府入已而塔齊爾托歡阿斯罕嘉琿會于河中周王遂西行至北邊金山西北諸王察克台等聞周王至咸率眾

來附周王至其部與定約束十餘年間邊境寧謐初宣德府人武恪以神童遊學江南吳澄為江西儒學副提舉

薦入國學肄業選為親王和寶拉說書秀才及以周王出鎮恪在行王欲起兵陝西恪諫曰太子此行於國有君

命於家有叔父之命令若向京師發一箭史官必書太子反左右惡恪言乃曰武秀才有母在京合道歸恪遂還

大都居陋巷教訓子弟 十一月壬寅命監察御史監治嶺北鉤校錢糧半歲而代 大萬寧寺僧以所佩國公

印移文有司紊亂官政禁止之 十二月庚午以知樞密院事圖古勒爲陝西行省左丞相 丁亥立皇子碩

迪巴拉爲皇太子兼中書令樞密使皇后鴻吉哩氏所生也帝以嫡子欲立之碩迪巴拉入謁皇太后固辭曰臣

幼無能且有兄宜立兄以臣輔之太后不許遂立爲太子授金寶開府置官屬 監察御史馬祖常上言皇太子

天賦美姿急宜招延天下碩德雅望文采博通之士朝夕起居以侍左右輔養懿美薰陶冲和傳云成王始爲太

子也太公爲師周公爲輔召公爲保伯禽唐叔與遊目不覩淫豔耳不聞優笑居不近庸邪及爲君也血氣既定

遊習既成雖有放心不能奪已成之性今皇太子春秋鼎盛請建立宮寮覈求名實相副調護羽翼儲闈之才臣

僕亦宜精擇不可雜以商賈冗瑣之流天下休戚之源實在於此御史段輔太子詹事郭貫等並請近賢人擇師

傅帝嘉納之 是歲翰林學士承旨陳鉅夫以病乞骸骨歸田里不允命尙醫給藥物官其子大本郊祀署令以

便侍養時令近臣撫視旦勞之曰卿世祖舊臣惟忠惟貞其勉加餐粥少留京師以副朕心鉅夫請益堅特授光

祿大夫賜上尊命羣臣飲餞于齊化門外給驛南還敕行省及有司常加存問集賢學士趙孟頫以鉅夫薦起家

帝眷顧甚厚以字呼之而不名至是擢孟頫爲翰林學士承旨帝嘗與侍臣論文學之士以孟頫比唐李白宋蘇

軾又嘗稱孟頫操履純正博學多聞書畫絕倫旁通佛老之旨皆人所不及有不悅者問之帝初若不聞者又有

上書者言國史所載不宜使孟頫與聞帝乃曰趙子昂世祖所簡拔朕特優以禮貌置於館閣典司述作傳之後

世此輩嗷嗷何也俄賜鈔五百錠孟頫嘗累月不至宮中帝以問左右皆謂其年老畏寒敕御府賜貂鼠衣 皇

慶中命西僧必蘭納識里繡繹諸梵經典至是特賜銀印授光祿大夫

延祐四年春正月庚子帝謂左右曰中書比奏百姓乏食宜加賑恤朕思民饑若此豈政有過差以致然歟向詔

百司務遵世祖成憲宜勉力奉行輔朕不逮惟當省刑薄賦庶使百姓各遂其生也 乙卯諸王托克托駐雲南

擾害軍民以昂輝舊作按代之丙辰以知樞密院事鄂勒哲舊作完爲雲南行省平章政事 壬戌冀寧路地震

閏月丙戌以立皇太子詔天下賜鰥寡孤獨鈔減免各路租稅有差 辛卯封拜特穆爾爲汾陽王 壬辰賑汴

梁等路飢 二月甲辰敕郡縣各社復置義倉 戊申授近侍鄂勒哲布哈翰林侍讀學士知制誥同修國史

乙丑升蒙古國子監秩正三品賜銀印 三月丁卯帝如上都 夏四月己亥德安早免屯田租 戊申達哈遜

寇邊吳王多勒達等敗之賜賚有差 乙丑帝夜坐憂早謂侍臣曰雨暘不時奈何蕭拜珠曰宰相之過也帝曰

卿不在中省耶蕭拜珠惶愧頓之帝露香默禱既而大雨左右以雨衣進帝曰朕爲民祈雨何避焉 翰林學士

承旨圖古勒都爾密寶劉廣等譯大學衍義以進帝覽之謂羣臣曰大學衍義議論甚嘉其令翰林學士阿琳特

穆爾編譯之 五月戊寅改太子衛率府爲中翊府 壬午黃州高郵真州建寧等處流民羣聚持兵抄掠敕所

在有司其傷人及盜者罪之餘並給糧還歸 以翰林學士承旨齊勤特穆爾舊作亦音帖爲中書平章政事以平

章烏拜都拉爲集賢大學士己丑擢左丞阿爾哈雅爲平章政事參政奇塔爲右丞高昉爲左丞考吳齊勤特穆爾等除授宰相表俱作六

月今從己丑以參議中書省事完珠張思明爲參知政事考吳元史張思明傳三年拜中書參知政事宰相表於四年六月書張而闕其名即思明也今從紀浮屠妙總統有寵

敕中書官其第五品思明執不可帝大怒召見切責之對曰選法天下公器徑路一開來者雜還故竄違旨獲戾

不忍驢祖宗成憲使四方得窺陛下淺深也帝心然其言而業已許之曰卿可姑與之後勿爲例乃以爲萬億庫

提舉不與散官 六月戊申中書右丞相特們德爾罷以左丞相哈克繖爲右丞相特們德爾貪虐日甚中外切

齒羣臣不知所爲中丞楊多爾濟慨然以糾正其罪爲己任上都富民張弼殺人繫獄特們德爾使家奴脅留守

賀勝使出之勝不可而多爾濟已廉得其贓鉅萬乃與蕭拜珠及勝奏發其事內外御史共劾奏其桀黠貪欺

罔下占據晉王田及衛兵牧地竊食郊廟供祀馬受人珠寶之賄動以萬計且既位極人臣又領宣政院事以

其子巴爾濟蘇

舊作八爾濟
吉思今改

之使諸子無功於國盡居貴顯縱家奴凌虐官府爲害百端以致陰陽不和山移地震

災異數見百姓流亡已乃恬然略無省悔私家之富又在阿瑪哈特僧格之上四海疾怨已久願早加顯戮以示

天下奏上帝震怒詔逮問特們德爾逃匿興聖近侍家帝爲不御酒數日以待決獄誅其大奴同惡數人特們德

爾終不能得多爾濟持之急徵政近臣以太后有召多爾濟至宮門責之對曰待罪御史奉行祖宗法非敢違太

后旨也帝不忍傷太后意但罷其相位而遷多爾濟爲集賢學士 己酉烏拜都拉復爲中書平章政事 參知

政事張思明持法峭直近臣疾之日構譏間遷工部尙書帝問左右曰張士瞻居工部得毋怏怏乎對曰勤職如

初帝嘉歎之旋授宣徽院副使士瞻思明之字也 壬子以工部尙書王桂爲中書參知政事 癸亥禁總攝沈

明仁所佩司空印毋移文有司 秋七月乙亥中書平章政事李孟罷孟以衰病乞解政權歸田里帝不得已從

所請復爲翰林學士入侍燕閒禮遇尤厚 以江浙行省左丞王毅爲中書平章政事 己丑成紀縣山崩土石

潰徙壞田稼廬舍壓死居民 辛卯冀寧路地震 帝諭省臣曰比聞蒙古諸部困乏往往鬻子女於民家爲婢

其命有司贖之還各部 帝出見衛士有敝衣者駐馬問之對曰戍守邊鎮踰十五年故貧耳帝曰此輩久勞於

外留守臣未嘗以聞非朕親見何由知之自今有類此者必言於朕因命賜之錢帛 八月丙申帝至自上都

庚申哈克繖奏事畢帝問曰卿等日所行者何事哈克繖對曰臣等第奉行詔旨而已帝曰卿等何曾奉行朕旨

雖祖宗遺訓朝廷法令皆不遵守夫法者所以辨上下定民志自古及今未有法不立而天下治者使人君制法

宰相能守而勿失則下民知所畏避紀綱可立風俗可厚其或法弛民慢怨言並興欲求治安豈不難哉 帝在御已久猶居東宮而飲酒無度監察御史馬祖常上言天子承天繼統當極保愛玉食之御猶必審五味之宜酒醴之供可不思百拜之義大內正衙朝賀之地雖陛下不忘東宮之舊竊慮起民間觀聽之疑且國家百年朝儀尙闕誠使羣臣奏對之際御史執簡史官執筆則雖有懷奸利乞官賞者不敢出諸其口乞令中書集議或三二日常出視朝則治道昭明生民之福也 九月丙寅右丞相哈克繖言故事丞相必用蒙古勳臣西域人不厭人望遂懇辭相位制以宣徽院使遙授左丞相巴達錫爲中書右丞相哈克繖仍左丞相 壬辰領北地震凡三日 冬十月甲午有事於太廟 戊戌遣御史大夫巴圖參知政事王桂祭陝西嶽鎮名山賑恤秦州被災之民 癸酉監察御史言官吏丁憂起復人情驚惑請禁止以絕僥幸惟朝廷者舊特旨起復者不在禁例制可 十一月己卯復濬揚州運河 壬辰諭諸宿衛入直各居其次非有旨不得上殿闕入禁中者坐罪大臣許從二人他官一人門者譏其出入 十二月丁酉復廣州采金銀珠子都提舉司 饒州路大飢米價翔踊總管王都中以官倉之米定其價爲三等言於江浙行省以爲須糴以下等價民乃可得食未報輒于下等減價十之二使民就糴行省怒其專擅都中曰饒去杭幾二千里比議定往還非半月不可人七日不食則死安能忍死以待乎其民相與言曰公爲我輩減米價公果得罪我輩當鬻妻子以代公償會行省左右司都事王克敬言于其丞相曰鄱陽去此甚遠比待報民且死彼爲仁而吾屬顧爲不仁乎都中乃得免郡歲貢金而金戶貧富不常 甲考得其實乃更定之包銀之法戶不過二兩而州縣徵之加十倍都中責之一以詔書從事 江浙行省遣王克敬往四明監倭人互市先是往監者懼有叵測必嚴兵自衛如待大敵克敬至悉去之撫以恩意皆帖然無敢譁者

吳人從軍征日本陷于倭者及是從至中國訴于克散願還本鄉或恐爲禍階克散曰豈有軍士懷恩德來歸而不之納耶脫有覺吾當坐事聞朝廷嘉之

延祐五年春正月甲戌懿州地震 丙子安南來貢 乙酉敕諸王位下民在大都者與民均役 丁亥會試進

士 是月召前中書右丞尙文爲太子詹事 河北河南道廉訪副使鄂囉言近年河決杞縣小黃村口滔滔南

流莫能禦遏陳潁潁河膏腴之地浸沒百姓流散今水迫汴城遠無數里倘值霖雨水溢倉猝何以防禦方今農

隙宜爲講究使水歸故道達于江淮不惟陳潁之民得遂其生而汴城亦可恃以無患詔都水監與汴梁路分監

修治以二月興工至三月而畢 以真定路總管曹自啟爲司農丞命至江浙議鹽法伯啟既至罷檢校官置六

倉於浙東西設運鹽官輸運有期出緡有次船戶倉支資賣漏失者有罰歸報著爲令 二月癸巳朔日有食之

和寧路地震 丁酉秦州秦安縣山崩 戊申建康府文德殿後 辛亥敕杭州守臣春秋祭淮安忠武

王巴延祠 乙卯命中書省汰不急之役 敕上都諸寺權豪商販貨物並輸稅課 戊午給書西天字維摩經

金三千兩初宣徽院使歲會內廷佛事之費以斤數者麪四十萬九千五百油七萬九千酥蜜共五萬餘蓋自至

元三十年間醺祠佛事之目僅百有一大德七年再立功德使司增至五百餘至是僧徒冒利無厭歲費滋甚較

之大德又不知幾倍矣 三月辛酉尙文入見年八十二矣帝顧太保庫春而目之曰此自世祖皇帝效力潔淨

人也徐諭曰汝知古今識道理練大務皇太子托汝善輔之有言勿吝善教此朕意也文見太子首以念祖宗孝

兩宮養德性辨邪正陳之太子異其言 戊辰廷試進士賜呼圖達勒霍希賢以下五十人及第出身 癸未命

晉王伊蘇特穆爾賑遼東貧民 給金九百兩銀百五十兩書金字藏經 乙酉御史臺言諸司近侍隔越中書

聞奏者請如舊制論罪從之 曹伯啟擢南臺治書侍御史上言揚清激濁屬在臺憲諸被枉赴愬者實則直之

妄則加論可也今愬冤一切不問豈風紀定制乎伯啟俄去位 夏四月己亥耽羅捕獵戶成金等爲寇敕征東

行省督兵捕之 庚戌免懷孟河南南陽居民所輸陝西鹽課時解州鹽池爲水所壞命懷孟等處食陝西紅鹽

後以地遠改食滄鹽而仍輸課陝西民不堪命故免之 甲寅考異本紀于是日書以千努史弼並爲中書平章政事表不書疑紀有訛字今闕之以待御史敬儼爲

中書參知政事儼初爲侍御史臺臣有劾去而復職者御史復劾之章再上命丞相樞密共決之儼曰如是則臺

事去矣遂劾帝前奏黜之因伏殿上叩頭請代帝曰事非由汝其復位至是拜參政臺臣復奏留之儼亦陛辭不

允賜大學衍義及所服犀帶舊制諸院及寺監得奏除其僚屬歲久多冒濫富民或以賂進有至大官者儼以名

爵當慎情會臺臣亦以爲言乃奏悉追奪之著爲令 戊午帝如上都 五月丁卯以御史中丞伊拉齊舊作亦列

爲中書右丞考異本紀作伊拉齊爲左丞相以表考左丞也但表載紀遲一月耳紀誤衍相字 壬申監察御史言比年名爵冒濫太尉司徒國公接迹於朝昔

奉詔裁罷中外莫不欣悅近聞禮部奉旨鑄太尉司徒司空等印二十有六此輩無功于國載在史冊貽笑將來

請自今門閥貴重勳業昭著者存留一二餘並革去從之 癸酉遣官分道減杖笞以下罪 己卯德慶路地震

鞏昌隴西縣大雨南山崩壓死居民給糧賑之 太子詹事尙文以年老不受俸帝慰留之仍諭其盡言教

太子尋謝病歸 六月辛卯御史臺言昔遺章律等經理江浙江西河南田糧虛增糧數流毒生民已嘗奉旨俟

三年徵租今及其期若江浙江西當如例輸之其河南請視舊例減半徵之 乙巳術者趙子玉等七人伏誅時

衛王阿穆爾克舊作阿木哥今改以罪貶高麗子玉言於王傳司馬曹圖舊作曹脫卜台舊作曹脫等曰阿穆爾克名應圖識于是潛謀

備兵器衣甲旗鼓航海往高麗取阿穆爾克至大都俟時而發行次利津縣事覺誅之 西番土寇作亂敕甘肅

省調兵捕之 以宣政院副使張思明爲西京宣慰使嶺北戍士多貧者歲凶相挺爲變思明威惠並行邊境乃

安因條上和林運糧不便十二事帝勞以端硯上尊 秋七月壬申御史中丞趙簡言皇太子春秋鼎盛宜選者

儒數陳道義今李銓侍東宮說書未諳經史請別求碩學分進講讀實宗社無疆之福制可之 諸王希里雅敦

之叛諸王額森實列吉及衛士多岱巴圖坐持兩端不助官軍進討敕流額森江西實列吉湖廣多岱衡州巴圖

潭州 癸酉拘衛王阿穆爾克王傳印 壬午罷河南行省左丞陳英等所括民田止如舊例輸稅 戊子鞏昌

路寧遠縣山崩 加封楚三閭大夫屈原爲忠節清烈公 八月庚子帝至上都 是月伏羌縣山崩秦州成

紀縣暴雨山崩朽壤墳起覆沒畜產 九月癸亥大司農邁珠舊作賈進司農丞苗好謙所撰裁桑圖說帝命刊印

千帙散之民間 丁卯以中書右丞伊拉齊爲中書平章政事右丞高昉爲右丞參知政事完珠爲左丞吏部尙

書雅濟格舊正完只爲參知政事考吳寧相表作 甲戌以作佛事釋重囚三人輕囚五十三人 己卯以江浙行省

所印大學衍義五十部賜朝臣 丁亥立行宣政院於杭州設官八員 大同路金城縣大雨雹 先是播州南

寧長官洛麼作亂思州守臣招諭之冬十月己丑洛麼遣人以方物入貢 癸巳改中翊府爲羽林親軍都指揮

使司 甲午有事於太廟 癸丑贛州路零都縣里胥劉景周以有司徵括新田租聚衆作亂敕免徵新租招諭

之 十一月丁卯用監察御史秦曼台舊作乃曼等言追延康富民王訓等白身濫受宣敕仍禁冒籍貫宿衛及

巧受達方職官不赴任求別調者隱匿不自首者罪之 癸未敕增江西茶運司茶課初世祖時置權茶都轉運

司于江州總江南及兩淮茶稅尋改江西其稅自二萬四千錠以漸增至一十九萬二千八百錠至是又因江西

茶副帕合哩鼎言立減引增課之法敕以二十五萬錠爲額復增至二十八萬九千餘錠郡縣所輸竭山谷之產

不能充其半餘皆酷取民間歲以爲常時轉運使得以專制有司凡五品以下官皆杖決州縣莫敢誰何江南
事鄧文原請罷其司俾郡縣領之不報 十二月辛亥置重慶路江津巴縣屯田省成都歲漕萬二千石 是歲
中書平章政事商議樞密院事齊諾乞致仕許之仍給半俸終其身齊諾退居濮上築先聖燕居祠堂於歷山之
下聚書萬卷延名師教其鄉里子弟出私田百畝以供養之有司以聞賜額歷山書院家居七年而卒年七十一
諡景憲

卷第二百

元紀十八

起居錄協洽正月盡上
章澤離十二月凡二年

仁宗聖文欽孝皇帝

延祐六年春正月丁巳朔暹羅來貢方物 丁卯敕福建兩廣雲南甘肅四川軍官致仕還家官給驛傳如民官

例 戊辰賑晉王部貧民

甲戌監察御史富珠哩

舊作李述
魯卿又

等言皇太子位正東宮既立詹事院以總家政宜

擇年德老成道義厚重者爲師保資贊俾盡心輔導以廣緝熙之學卿嘗以御史巡按淮東淮東憲司惟尙刑多
致獄具卿曰國家所以立風紀蓋將肅清天下初不尙刑也取其獄具焚之時凡以吏進者例降二等從七品以
上不得用卿言科舉未立人才多以吏進若一概屈抑恐非持平之議請以吏進者宜止於五品詔復舊制其犯
賊者止從七品著爲令 己卯廣東南恩新州徭賊龍耶庚等爲寇命江西行省發兵捕之 帝謂達嚙嚙齊瑪
嚙舊作札魯忽
赤實閣今改曰凡人命所繫其詳閹獄詞事無大小必謀諸同僚疑不能決者與省臺臣集議以聞又顧謂侍臣
曰卿等以朕居帝位爲安耶朕惟太祖創業艱難世祖混一疆宇兢業守成恆懼不能當天心繩祖武使萬方百

姓樂得其所念慮在茲卿等固不知也 二月丁亥朔日有食之改釋奠於中丁祀社稷於中戊 丁酉雲南閣
里愛俄永昌蒲蠻阿八刺等並爲寇命雲南省從宜剿捕 乙巳敕諸司不由中書奏官而輒署事者罷之 三
月丁巳以天壽節釋重囚一人 辛酉以御史中丞圖圖哈爲御史大夫諭之曰御史大夫職任至重以卿勳舊
之裔故特授汝當思乃祖乃父忠勤王室仍以古名臣爲法否則墜汝家聲負朕委任之意矣 己巳敕諸王駙
馬宗姻諸事依舊制領于內八府勿徑移文中書 免大都上都興和大同今歲租稅 夏四月壬辰中書省言
雲南土官病故子姪兄弟襲之無則妻承夫位遠方蠻夷頑獷難制必任土人可以集事今或闕員宜從本俗制
可之 庚子帝如上都 以前中書右丞相特們德爾舊作鐵木迭兒今改爲太子太師內外監察御史四十餘人劾其逞私
蠹政難居師保之任帝以皇太后故終不用其言又嘗以臺事問集賢學士楊多爾濟舊作朵兒只今改對曰非臣職事臣
不敢與聞所念者特們德爾雖去君側反得爲東宮師傅在太子左右恐售其奸則禍有不可勝言者帝亦不能
用 五月揚州火燬官民廬舍二萬三千三百餘區 六月辛丑置河南田賦總管府隸內史府 戊申置勇校
署以角觝者隸之 庚戌大同縣雨雹大如雞卵 詔以駝馬牛羊分給朔方蒙古民戍守邊徼者俾牧養蕃息
以自贍仍議興屯田 癸丑以羽林親軍萬人隸東宮 丁丑以濟寧等路大水遣官閱視其民之貧者賑之仍
開河泊禁聽民采食 秋七月丙辰緬國遣人來覲 來安路總管岑世興叛據唐興州賜璽書招諭之 壬戌
東宮增軍萬人置右衛率府 丁卯諭江西官吏豪民勿阻撓茶課 甲戌皇姊大長公主作佛事釋全寧府重
囚二十七人帝聞之怒敕按問全寧守臣阿縱不法仍追所釋囚還獄 八月甲申以河東山西道宣慰使張思
明爲中書參知政事先是左丞相哈克繖舊作合散今改辭職帝不允其請益堅帝詰之曰朕任卿未專耶曰非也近臣有

撓政者耶曰無有然則何爲而辭對曰臣自揆才薄恐誤陛下國事若必欲任臣願薦一人爲助帝問爲誰哈克

繖再拜曰臣願得張思明即日召用之

考異元史宰相張思明拜參知政事在閏八月今從本紀作八月蓋八月召用閏月始上耳

庚子帝至上都張思明謁見于道

帝曰卿向不負朕注意故因哈克繖言復起用汝

是月伏羌縣山崩

閏月甲子浚會通河

癸酉敕諸司有

受命不之官及避煩劇託故去職者奪其宣敕

九月甲申以奇徹爾爲中書參知政事

癸巳以作佛事釋大

辟囚七人流以下囚六人

戊戌增海漕十萬石

癸卯御史臺言比者官以倖求罪以賂免請凡內外官非勳

舊有資望者不許驟陞諸犯贓罪已款伏及當鞫而幸免者悉付原問官以竟其罪其貪汙受刑奪職不敘者實

緣近侍出入內庭覬倖名爵宜斥逐之帝皆納之

詔四宿衛嘗受刑者勿令造內庭

浚鎮江練湖以圍田

日多致水泛溢也

賑濟寧等路飢

冬十月乙卯中書省言白雲宗統攝沈明仁強奪民田二萬頃誑誘愚俗

十萬人私賂近侍妄受名爵已奉旨追奪請汰其徒還所奪民田其諸不法事宜令覈問帝曰朕知沈明仁奸惡

其嚴鞫之

戊午授皇太子玉冊

辛酉以達噶噶齊特穆爾布哈爲御史大夫

癸亥上都民飢發官粟萬石

減價賑糶

己卯浚會通河

十一月辛卯木邦路帶邦爲寇敕雲南省招捕之

庚子中書省言曩賜諸王阿

濟吉鈔三萬錠使營子錢以給收獵廩膳毋取諸民今其部阿嚕呼等出獵恣索于民且爲奸事宜令宗正府刑

部訊鞫之以正典刑制可之

禁民匿蒙古軍亡奴

帝諭臺臣曰有國家者以民爲本比聞百姓疾苦銜冤者

衆其令監察御史廉訪司審察以聞

翰林學士承旨趙孟頫乞致仕南歸帝遣使賜衣幣促之還朝以疾辭不

起

賑河間飢

十二月壬戌命皇太子參決國政太子謂中書省臣曰至尊委我以天下事日夜寅畏惟恐弗

堪卿等亦當洗心滌慮恪勤乃職勿有驁壞以貽君父憂也帝亦語左右曰前代皆有太上皇之號今太子且長

可居大位朕欲爲太上皇與若等遊觀西山以終天年羣臣皆稱善右司郎中魯特穆爾曰臣聞昔所謂太上皇若唐元宗宋徽宗皆當禍亂不得已而爲之願陛下正天位保無疆之業前代虛名何足慕哉 壬申平章政事王毅以親辭職從之仍賜其父幣帛 癸酉夜風雪甚寒帝謂侍臣曰朕與卿等居暖室宗戚昆弟遠戍邊陲曷勝其苦歲賜幣帛可不徧及耶 是月封宋儒周惇頤爲道國公 帝嘗謂左右曰儒者皆用矣惟虞伯生未顯擢耳遂以集爲翰林待制兼國史院編修集尋以憂歸伯生集之字也

延祐七年春正月辛巳朔日有食之帝齋居損膳輟朝賀 壬午御史臺言比賜布爾罕鼎山場鄂勒哲布哈海

船稅會計其鈔皆數十萬錠諸王軍民貧乏者所賜未嘗若是苟不撙節漸致帑藏虛竭民益困矣中書省臣進曰臺臣所言良是若非振理專綱法度愈壞臣等乞賜罷黜選任賢者帝曰卿等不必言其各共乃事 辛卯江

浙行省丞相赫魯

魯作魯今改

言白雲僧沈明仁擅度僧四千八百餘人獲鈔四萬餘錠既已辭伏今遣其徒沈崇勝

潛赴京師行賄求援請逮赴江浙併治其罪從之 丁亥帝不豫皇太子憂形于色夜則焚香祈告於天曰至尊

以仁慈御世庶績膺成四海清晏天何遽降大厲不如罰殛我身使至尊永爲民主辛丑帝崩于光天宮年三十

大太子哀毀過禮素服寢于地日飲一粥癸卯葬起輦谷帝天性恭儉通達儒術兼曉釋典每日明心見性佛教

爲深修身治國儒道爲大在位七年不事遊畋不喜征伐尊賢重士待宗戚勳舊始終有禮有司奏大辟每慘惻

移時其孜孜爲治一遵世祖成憲云 甲辰中書右丞相巴達錫罷太子太師特們德爾以皇太后命復入中書

爲右丞相參議中書省事韓若愚廉勤稱職特們德爾初爲相時以其不附己欲羅織以事而不得遂至是復相

乃誣若愚以罪請殺之皇太子不從復奏奪其官除名歸鄉里 丙午遣使分獻內外刑獄 戊申汰知樞密院